

善本書室藏書志

善本書室藏書志卷十九

錢塘丁丙松生甫輯

子部九下

風俗通義十卷

元大德刊本 顧千里藏書

漢太山太守應劭

前有劭自序及元大德丁未大中大夫行都水監李果序後有宋嘉定十三年東徐丁黼跋卷首題大德新校正風俗通義每葉二十行行十六字羣書拾補載李果作李晦尚有謝居仁跋云子觀風浙西至無錫有耆儒李顯翁晦來訪云云據此則果當作晦此本無居仁跋而王鳴盛所藏大德本亦作李果

風俗通義十卷

明翻大德本

漢太山太守應劭

卷首有邵自序前題大德新刊校正風俗通義後有嘉熙三年

藏書志卷十九

丁黼跋黼宋成都制置使嘉熙三年元兵自新奔趨成都黼迎至石筍街力戰死見宋史忠義傳跋稱以徐淵子本館中本孔寺丞本互加參攷刻之夔州云云當用宋本重雕者

論衡三十卷

明刊本

盧抱經校藏

漢會稽王充著

前有虞溥熙序卷六後盧召弓學士校正間以墨筆錄孫志祖梁玉繩校語於卷眉末記云乾隆五十八年八月二十八日七十七翁盧文弼細校竟次年甲寅重細校五月十九日訖功有抱經堂印文弼校正兩印案是書以宋慶厯中楊文昌定本爲善至元間紹興路總管宋文瓚重刊楊本明通津草堂所刻卽出是本此程氏叢書又出自通津者也

塵史三卷

明鈔本

鳳臺子王得臣彥輔撰

前有政和乙未中元日白序云自師友之餘論賓僚之燕談與耳目之所及苟有所得輒皆記之重加刊定得二百八十四事類以相從別爲四十四門總三卷名曰塵史後有慶元五年郡守鄱陽洪憲重修一條蓋出於宋刊本也末有記曰塵史三卷原刻本多舛誤今錄此本藏於家其間可證者改之可疑者缺之時嘉靖改元五月十日鈔起至十八日錄竟鋤耒耜三子皆出痘方愈柳僉志喜

夢溪筆談二十六卷

明刊本

沈括存中述

括錢塘人邁與遼之仲叔也嘉祐八年進士熙寧中官翰林學士龍圖閣待制謫均州團練副使後復光祿少卿括博聞強記一時罕有儔比晚居潤州見其山川之勝與舊時夢游之境相合遂買地築室名曰夢溪暇著筆談於天文算數音律醫卜之

藏書志卷十九

二

術皆能發明攷證洞悉源流分十七門成二十六卷自爲之序  
乾道二年揚州學教授湯脩年承周侯開藩之雅刊於泮宮爲  
養士無窮之利著爲跋語元大德乙巳茶陵陳古迂又序刊於  
東山書院每葉二十四行行十八字此爲明萬曆壬寅裔孫敬  
灼叔永甫出領延津學校又授之梓在崇禎辛未馬氏元調刻  
本之先也

東坡先生志林五卷

舊鈔本 盧抱經校藏

前有萬曆乙未趙用賢序云東坡先生志林五卷皆紀元祐紹  
聖二十年中所身歷事其間或名臣勳業或治朝政教或地里  
方域或夢幻幽怪或神仙伎術片語單詞諧謔縱浪無不畢具  
而其遷謫流離之苦亦略備矣湯君雲孫博學好古其文詞甚  
類長公管手錄是編刻未竟而卒余子開美因拾其遺復梓而  
卒業庶幾湯君之志不孤云毛氏綠君亭本卽從此出盧抱經

跋云此書本謂之東坡手簡或謂之手澤而今所題者皆謂之志林此五卷單行者事各從類頗便檢閱與全集中所載無小異也稗海本則有十二卷視此更多而不分類其次序先後不同論古一卷獨無之是皆從墨迹中掇拾而成者雖判語間亦入焉以知手簡之名之所由來也

珩璜新論一卷

舊鈔本

臨江孔平仲毅文

此書陳仲魚從明人鈔本影出其跋云珩璜新論一卷宋孔平仲撰平仲字毅父清江三孔之一著有談苑及此書一名雜說郡齋讀書志云孔氏雜說一卷能改齋漫錄亦引作雜說然舊本卷末有潛熙庚子吳興沈說跋稱渝川丁氏刊版已名珩璜新論則宋時原有二名也是本爲竹垞朱氏舊藏猶是明人鈔本前有竹垞圖記後爲吾師吳稷堂先生所得用黃筆勘正尙

係先生手蹟蓋欲刻入藝海珠塵與孔氏談苑並傳而未果尙生既沒偶然散出鱗以厚價收之觀其遇本朝皆越格知從宋版鈔出然脫誤甚多幾不可讀復假吳兔牀山人手校舊鈔宋互爲細勘增改者凡數百字又補鈔五葉於是始全外間鈔本有作四卷與讀書志不合蓋後人意爲分析所惜宋刊本沈本之跋未經錄入卷末耳嘉慶十八年夏四月旣望勃海陳鱣記於問山閣

鬼氏客語一卷

明覆宋本

右爲宋晁說之撰其中議論多有關於立身行己之大端所載熙豐間名流遺事得自目擊爲多可與史傳共相參證每條必記其所語之人故稱客語

濟南先生師友談記一卷

明覆宋本

太華逸民諱超曠文子李廌方叔

是書記蘇軾范祖禹及黃庭堅秦觀晁說之張耒所談故曰師友皆元祐勝流而鴈之學問文章亦足與相亞

丞相魏公諱訓十卷

舊鈔本

勞季言藏書

長孫左朝請大夫蘇象先編

宋蘇象先撰述其祖魏公頌遺訓分二十六題凡三百餘事前有自序後有紹熙癸丑濟南周秘跋直齋書錄解題所著錄也頌字子容宰相綽之子元祐五年三月壬申自翰林學士承旨知制誥兼侍讀右光祿大夫除尚書左丞理宗朝追謚正簡見後村集有勞裕季言勞參軍實事是正多聞疑諸印

元城先生語錄三卷行錄一卷

明刊本

左朝散郎主管江州太平觀賜緋魚袋馬永卿編

紹興五年維揚馬永卿編其師劉元城之語序云先生元城人諱安世字器之事在國史范陽張九成序云余觀永卿所著元



城語錄嗚呼前輩不復見矣考先生所學所論皆自不妄語中  
來司馬溫公心法先生其得之矣後行錄凡二十條

元城語錄三卷行錄一卷

明萬曆刊本

汪季青藏書

左朝散郎主管江州太平觀賜緋魚袋馬永卿編後學大名兵備  
副使于文熙重刊內黃縣知縣徐成楚梓行元城縣舉人董復亨  
校閱

前有張九成馬永卿二序宋史本傳萬曆庚寅金壇于文熙序  
余待罪天雄卽先生故里問先生墳墓則化爲烏有已及其子  
孫則不知何許已及祠宇則湫隘頽靡僅遺像存耳最後得先  
生盡言集及語錄行錄盡言集本頗善語錄輯於馬大年行錄  
輯於宦子鍾而頗壞於解者且多得魚之誤余刪其解訂其誤  
命徐令刻之按舊解爲王崇慶所撰畧里瞿氏有其書有沈令  
聞柯庭流覽所及休陽汪季青家藏書籍諸印

石林燕語十卷

明正德刊本

汪季青藏書

子棟程模編

前有葉夢得自序宣和五年卜別館於卞山之石林谷偶遇筆札隨輒書之建炎二年避亂縉雲歸兵火蕩折之餘井闔湮廢前日之客死亡轉徙略相半而余亦老矣平日所見所聞日以廢忘因令棟裒集爲十卷以石林燕語名之明正德元年監察御史楊武序於大梁云始得李憲長叔淵鈔本字頗脫誤託方伯王德華警正吳憲之歐孚先二方伯辦梓行焉有摘藻堂藏書記平陽季子收藏圖書坎西樓收藏諸印

避暑錄話四卷

明刊本

孫潛夫校本

宋葉夢得少蘊著

石林自序云紹興五年五月暑氣頓盛不能安其室每旦起擇泉石深曠松竹幽茂處偃仰終日惟棟模二子門生徐惇立相

從質疑請益泛語古今雜事皆後生所未知乃使棟書之名曰  
避暑錄詒宋樓有影宋本題乙卯避暑錄詒而無石林自序此  
爲商潛刊本孫潛夫於康熙壬辰用葉石君鈔本以朱字補改  
校勘可稱善本按潛夫名潛字啟圖一字節生又曰知節君康  
熙間嘗再校水經全謝山稱其功最篤今遊吳下問諸後進莫  
知潛夫之本末者矣丙亂前有潛夫手校唐文粹燬於兵火得  
此聊慰亡書之懷

卻掃編三卷

影宋本

江陰源藏書

睢陽徐度自序云予閒居吳興卞山之陽曰呂家步地僻且陋  
旁無士子之廬杜門終日莫與晤言間思平日閒見可紀者輒  
書之未幾盈編不忍棄去則離爲三卷時方杜門卻掃因題曰  
卻掃編雖不足繼前人之述作補史氏之闕遺聊以備遺忘示  
兒童焉卷尾有臨安府尹家書籍鋪刊行一行陳遵王云王百

穀家藏宋刻後歸謙翁付之絳雲一燼存此摹本猶有中郎虎  
賁之想度字仲立紹興吏部侍郎不能苟合於時此有汪士鐘  
字春霆號脹園書畫記印

寓簡十卷

明鈔本 天一閣藏書

寓山沈作喆明遠纂

作喆號寓山湖州人紹興五年進士當和議初成之時賜諸將  
田宅喆爲岳忠武作謝表忤秦檜又官江西時作哀扇工詩忤  
漕帥魏道弼奪官自序題甲午歲當在清熙元年鮑廷博已刊  
此書於知不足齋叢書中此爲甬上范氏劫中散出白紙藍格  
猶明人鈔本也

樂城遺言一卷

明翻宋本

眉山蘇籀記

籀字仲滋眉州人轍之孫遲之子南渡後居婺州官至監丞嘗

十齡餘侍祖於頴昌者凡九年因錄所聞緒論以示子孫故曰遺言中間辨論文章流別古今人是非得失最爲詳晰

東園叢說二卷

舊鈔本

前有紹興壬子桐鄉丞括蒼李如篋自序云頃年僻居語兒之東鄉既無進取之望又不能營治資產日與樵漁農圃者處時披閱文籍省記舊聞隨手筆之遂成卷帙又有紹熙甲寅建安周庭筠序先生少遊上庠與紹興諸倫魁皆友善平時上下議論出入經傳前言往行靡不識錄庭筠來吏桐鄉密邇南牆暇日投讀得償未見之願謹輟俸以刊其書於學者有助云

履齋示兒編二十三卷

舊鈔本

張正齋馬笏齋藏書

宋廬陵孫奕季昭父撰

前有自序是書原廿四卷分前後集其鄉人胡楷重訂爲廿三卷明潘方凱刻本不錄胡跋遂疑與趙希弁讀書附志所載不

同矣張芷齋錄敏求記一則於前朱筆校正頗多有讀史精舍  
芷齋張載華印佩兼古鹽張氏松下藏書馬笏齋藏書記武原  
馬氏藏書諸印

潮溪先生捫蝨新話十五卷 影寫明覆宋本

右書爲宋陳善撰善字子兼福州羅源人紹興間爲太學生時  
秦檜當國子兼力詆和議故不屑効一官拂衣歸杜門讀書自  
孔孟氏至子史百家佛老陰陽卜筮農圃之說無不精詣所居  
有小溪與潮合流自號潮溪所著詩文多散逸惟捫蝨新話行  
於世黃堯圃士禮居藏書題跋載云此書明代舊刻隨興津逮  
中本對勘此刻居前稍勝毛本而潮溪先生小傳猶存洵善本  
也又跋述古所藏向有二本一是宋鈔本不分卷帙末有子兼  
跋云丙寅歲余由海道將抵行在所云云復從張詡菴借手校  
宋鈔本其書一百則通作一卷不分類無子目詗菴一一跋出

因照臨於此并多二則用別紙錄之附攷焉其書歸陸氏而宋樓今借而影寫之

梁谿漫志十卷

明覆宋本

項藥師朱竹垞汪魚亭藏書

費衮補之

前有紹熙三年衣自序四門樓鑰序十卷之目錄後有嘉泰改元晉陵施濟跋開禧二年二月國史實錄院牒及銜姓十行鮑廷博云勝國時梁溪樵李俱經翻梓傳亦漸寡古泉山館藏書錄云四門樓鑰乃四明之譌不知何人以宋刻重翻其版式字體之古雅精妙不異宋刻有樵李項藥師藏秀水朱氏潛采堂圖書其書面尙是竹垞舊題又有汪魚亭藏閣書一印

淵泉日記三卷

聚珍版本

盧抱經校藏

宋韓流撰

流字仲止許昌人陶宗儀說郛祇載數條此從永樂大典中裒

合排次關史事者居前品評人物者次之攷證經史者又次之  
抱經老人重加校正每卷尾記歲月並往來雜事有抱經堂藏  
一印

澗泉日記三卷

杭州刊本

盧抱經校藏

宋韓流撰

上卷五十條中卷七十三條下卷七十五條乾隆癸卯五月盧  
學士文弼在山西三立書院閱一過第三卷內記羅隱介亭龍  
泓洞繡經臺稽留峰儒賢亭會閣巢居閣永和鄉諸條頗足徵  
吾鄉掌故

老學菴筆記十卷

明刊本

宋山陰陸游務觀纂

陳振孫書錄解題作十卷續筆二卷不著於錄振孫稱其生識  
前輩年及耄期所記見聞殊有可觀此天啟三年吳郡錢允治



序謂書乃洎熙紹熙間所著紹定戊子翁次子通權知台州刻於郡齋宋亡別無刻本裨海所刻卽如說邗所彙雜書悉從裁翦皆不成篇松陵周元度以其先尙書恭肅公祕藏付之剞劂俾余序其所以又有王志堅序及周元度應儀刻序毛晉津逮祕書卽從裨海本張海鵬學津討源卽仍津逮本皆不及此本之善

鶴林玉露十六卷 舊鈔本

廬陵羅大經景綸

卷端有景綸自序時洎祐祐戊申正月望日乾隆辛未花溪許昂禔爲門人張芷齋校正後有乾隆癸巳臘月八日張載華勸畢題字

鶴林玉露十六卷 明萬曆刊修本

前列目錄後有木記云院齋中舊有鶴林玉露刻版亦不知起

於何時願歲久字多蠹蝕不便觀覽黼偶聞之臺長慕林張公遂捐俸授黼重校梓凡二十餘版煥然如新刻矣萬曆七年莆田林大黼識有張健無崎梧桐月諸印

吹劍錄外集一卷

舊鈔本

鮑以文校藏

涪祐庚戌仲秋括蒼俞文豹撰并序云始作此編蓋卽前言往事辨證發明以寓勸戒之意因續三爲四以驗其學之進否按吹劍錄序於涪祐三年前有識語此編已刊行版留書肆不可復得因刪舊添新再與續集並刊今前錄附存 四庫二三錄當已佚失惟此外集 四庫著錄先爲天一閣范欽寫本有識語鮑廷博通體校正刊入知不足齋叢書此卽底本也

藏

一話腴內編二卷外編二卷

舊鈔本

宋陳郁撰

棠湖岳珂序曰陳藏一以詩文名世真西山劉漫堂陳習庵交

稱之今觀所述話腴博聞強記出入經史研攷本末具有法度而風月夢怪洗淨無遺乃知三君子可謂具眼矣學海類編刊止一卷未必似此帙之佳

佩韋齋輯聞四卷 舊鈔本

太玉山人俞德鄰宗文父

前有自序云先儒有筆記有漫錄有燕語爲書不一皆義出六經事兼百事究帝王之則啟聖賢之蘊余之繆學雜舉臚傳風聽何能進於是不過從兒輩咕囁而已德鄰永嘉人舉咸淳癸酉進士宋亡不仕是書多攷論經史間及當代故實典籍文藝皆詳核可據

齊東楚語二十卷 明正德刊本

齊人周密公謹父

戴剡原敘述其父之言謂身雖居吳心未嘗一飯不在齊卽密

自序居歷山下或居華不注之陽大父扈蹕南來受皇帝特知  
歷三院躋中司朝野之故耳聞日接余侍膝下竊劇緒餘已有  
敘次游遭多故編帙散亡追念一二於十百務事之實不計言  
之野也正德十年未陽胡文璧重刊其跋或謂符離富平頗涉  
南軒之父唐陳之隙生母之服則致堂有嫌請去數事文璧不  
從可謂務其實矣又有盛臬後跋汲古閣從此本刊入津逮祕  
書

志雅堂雜鈔八卷

舊鈔本

弁陽老人周密公謹纂

是書凡藏三本一爲蕭山王氏十萬卷樓舊鈔一爲余集寫刊  
皆分兩卷次第紛雜宜館臣所撰提爰謂經後人裒綴別成也  
茲鈔本分九類卷一書卷二史三四五圖畫碑帖卷六諸玩寶  
器卷七人事醫藥卷八陰陽算術仙佛洵爲清晰按余集秋室

跋云弁陽翁濟南人吳興章文莊爲其外王父故占籍吳興又與楊和王有連故又爲杭人所居癸辛街卽楊氏瞰碧園也詩有蠟屐集鄧牧心爲之序已久佚詞名費州漁笛譜尙有傳本其述著尙有絕妙好詞癸辛雜誌武林舊事齊東野語浩然齋視聽鈔浩然齋雅談澄懷錄雲煙過眼錄乾清起居注乾瀆歲時事武林市肆記湖山勝概若干種此又其一也浩然齋雅談已奉 詔刊僕爲杭人固樂得而資談噫也

敬齋先生古今鞋十二卷

鈔本

李治

十二卷後有萬曆庚子春三月之吉武林書屋蔣德盛梓行二行 四庫館從永樂大典中輯爲八卷計三百九十二條見於原本者計二百二十四條此本較大典本增多二百五十五條其館本有而原本闕者六十九條海虞黃廷鑑有跋極詳核

研北雜志二卷

明項氏刊本

孫慶增丁敬身舊藏

此書元陸友仁撰前自序云余生好游足迹所至喜從長老問  
前言往行必謹識之元統元年冬還自京師索居吳下因追憶  
所欲言者小子錄藏焉取段成式語名曰研北雜志庶幾賢於  
博奕爾明年春二月平原陸友仁卷中皆賦文瑣事研北頗精  
賞鑿亦工篆隸故評論書畫古器者爲多 四庫提要云錢氏  
讀書敏求記載何柘湖校本項藥師刊本今皆未見此卽嘉禾  
項德棻宛委堂刊本也後有寒玉堂徐獻忠董子元錢叔寶林  
應楨陳繼儒項德棻題記更有孫慶增丁敬身敬手跋厲太鴻  
鶚趙誠夫一清案語洵爲善本也慶增常熟人善醫術著有藏  
書紀要

閒居錄一卷

曹秋嶽鈔本

何義門藏書

吾衍撰衍字子行錢塘人不仕不娶離世異俗好古博雅隱居

授徒四方之士相傾慕者冠履交于戶外而子行不以貴賤爲  
低昂所居容膝迎送未嘗下樓留心古道樂志簞瓢不與世俗  
爭妍巧此編爲劄記手稿陸友仁得於行之從父家錄而傳之  
猶未經編定之本然學淹藝精雖偶然涉筆終有典型末有何  
焯題云王正仲集中有吾子行傳載其事爲詳核宜補錄之此  
冊出於曹秋嶽侍郎家林若樵手鈔也康熙戊子秋翁家所存  
殘書皆歸青霞堂書庫此冊偶爲陸其清借鈔乃以傳本繳進  
獨得留余架上云有肥瞻印前有毛晉之印格紙版心有學耕  
書屋四字又有潘叔潤圖書記潘氏淵古樓藏書記印

間居錄一卷 舊鈔本

魯郡吾衍子行

後有至正五年吳郡陸友仁跋何義門校鈔小記鮑以文吳槎  
客趙素門諸題跋

草木子四卷

明刊本

汪季青藏書

括蒼龍泉葉子奇世傑著

白序云洪武戊午二月望致祭城隍神郡吏竊飲猪腦洒縣學生發其事吏懼免罪爲之言剖生復言於分臬子適至學亦以株連就逮幽於獄恐與草木同腐園中見有舊籤薄爛碎以瓦研墨遇有所得卽書之忽然滿卷及事釋而續成號曰草木子前有南海黃衷序晉安鄭善夫後序卷心有嘉靖癸卯重刊六字鈐有摘藻堂藏書印平陽季子收藏圖書諸印

濯纓亭筆記十卷

明嘉靖刊本

長洲戴冠章甫

前有嘉靖丁未陸燦序曰先生少穎敏篤學始游鄉校已刻意爲古詩文八舉不中貢試禮部奏名第一例止學官王三原李長沙特奇其文而不及薦爲紹興郡學訓導久之棄官歸年七



十一終於家早有志用世兵農水利之說靡不論究未嘗一日廢書得奇文與義輒命筆識之是編所存僅什二三非其至者然扶樹教道繩往黜邪之指亦略可觀矣嘗作禮記集說辨疑未竟今撮存若干章附之編末後有無錫華學士子潛察刊書記云是編舊題隨筆類記故少卿都公元敬爲易今名濯纓者先生所自號云有三畏齋雲峰二小印

荷亭辨論十卷 盧抱經鈔校本

東陽盧格正夫著

格東陽人成化辛丑進士官至監察御史自序曰宏治丙辰嶺南謝病還家迺於室東隙地鑿池半畝引水栽荷築亭三間粗庇風雨幸老母康強無恙視膳之餘討論經史以究聖賢之成迹其有不合者反復思之其有益於經者取之無益者去之命子壽請工鉅梓崇禎間山陰劉宗周金肇元序之宏治間其弟

林菱源潘珏錢塘許綸永康胡瑛廣信葉元均爲後跋書爲吾  
杭盧解元潮生所得仁和後學盧文韶跋於鍾山書院云此書  
論經而兼及古今事蹟往往多翔獲讀之而釐然有當閒有與  
朱子異者夫非好爲異也反求之而實有所不愜云 四庫提  
要譏其誣誕信矣抱經之跋在於閣書未定之前耳

塵談一錄二卷二錄二卷

清吟閣鈔本

西湖沈儀

杭州府志循吏傳儀字懋德仁和人正德己卯舉人授清江縣  
知縣安靜不擾吏民咸歡樂之督學徐階行部至清江見其衣  
冠樸野心頗易之居數日察其六事修舉所宁卓然乃歎曰設  
吾以皮相天下士幾失賢令矣權惠州府通判投劾歸此書皆  
論史傳詩文有功夫文獻版刻久失此則瞿氏清吟閣鈔本也

南園漫錄十卷

精鈔本

明張志瀆撰

志瀆自號南園野人雲南籍江甯人成化甲辰進士官至戶部侍郎坐劉瑾黨勒致仕其名見明史焦芳傳中是書前有正德十年自序稱因讀容齋隨筆鶴林玉露二書仿而爲之其中似洪書者十之一似羅書者十之九要皆述所見聞各爲攷證

燕泉何先生餘冬序錄六十五卷

明萬曆刊本

衡州府推官黃齊賢郴州知州張汝賢重刻

右爲明何孟春撰孟春字子元郴州人宏治癸丑進士授兵部主事官吏部左侍郎爭大禮左遷南京工部左侍郎尋削籍隆慶初贈禮部尙書謚文簡明史有傳是書內篇前五卷事人君道後二十卷多及古今人品外篇三十五卷閏五卷皆雜論也前有自序曰嘉靖甲申因言事調官南部幹局稍間乃理舊稿乙酉冬閏成帙又明年得養病歸乃編輯之亦適戊子冬間夫

余之爲學猶是問爾帙成六十餘卷以歲陽爲序起畢辜盡極陽地曰餘冬序錄云萬厯甲申湖南按察司副使晉陽楊可大衡州府推官東越黃齊賢並爲重刊序

東谷贊言二卷

明刊本

清江教英

嘉靖己酉自序云閉關習靜以送殘齡門生故舊時來相過或相與評論古今一得之愚不覺吐之逐日徇記加潤色焉仁和三洲沈淮序於前三洲丁未進士蓮池禪師之族也舊居茶市橋偶讀序言真有老成典型之感

芸莊雜錄備遺十六卷

原稿本

鳴野山房藏書

賀蘭山人管律應韶甫

前有嘉靖十六年菊月芸莊子自序云予少讀書性愚記不克遠先君教以凡所誦閱苟勤錄之足備遺忘雖魯何患於是遵

承惟慎先君每歲終歷課之逮發軔陝閩積數千餘紙自棄逐  
以來所謂數千餘紙者無一接目矣今年丁酉予內子索敗紙  
覆額復得是紙悲喜交集姑錄分十六卷標之曰雜錄備遺蓋  
述先君之教言云爾有管氏應韶辛巳進士練川世家蘭山書  
屋諸印蓋管氏遺書而歸之鳴野山房也其書似未經付雕

窺天外乘一卷

明刊本

吳郡王世懋敬美著

世懋太倉人世貞弟嘉靖進士官至太常寺少卿明史文苑傳  
附見世貞傳中是編論明代故事如建文當復年號修實錄景  
帝當稱宗與獻帝不當祔廟仁宗宣宗不宜以興獻帝故而早  
祔持論俱正至記佩袋官審器諸條亦足資攷證未附國朝盛

事二條

厥次瑄談一卷

舊鈔本

吳瑣川汪魚亭藏書

陽信后谿劉世偉宗周甫撰陽信少槐劉子魯必得閱次

厭次者陽信漢時之故名也瑣談者雜載史籍所載天地人物事類以資談柄也世偉嘉靖中官甯州州同中有一條云先大夫冷菴府君守甯國每與宣士講曰天下一章書曰理而已天下一個學曰心而已卷前有近田呂頤序舊爲瑣川吳氏振綺汪氏先後收藏各有圖記

四友齋叢說十六卷 明刊本 朱相孫藏書

華亭何良俊著

是書 四庫入存目有朱大韶序曰南京翰林院孔目柘湖先生有何翰林集何氏語林梓於世世傳誦之公多藏書凡經術文藝人才治紀邊防兵食民風士論先正之風猷一時之談謔旁及字畫歌曲之伎竺乾之書遠弋博采可稱大雅一家之言又隆慶己巳自序云四友齋者何子宴息處也日處其中隨所

聞見書之於牘歲月積累遂成十六卷云有朱稻孫稼翁諸印  
松窗夢語八卷 舊鈔本

明張瀚著

此書爲恭懿公罷歸後作前有自引云獨處小樓檻外一松移  
自天目虬幹縱橫鬱鬱蒼蒼日夕坐對靜思往昔恍惚如夢憶  
記紛紜皆爲陳迹松窗長晝隨筆述事時萬曆癸巳八十三翁  
識紀宦游南北東西遊北虜南夷東倭西番士農工商天地祥  
災花木禽獸方術盛遇異聞先世夢寐權勢忠廉時序風俗自  
省銓部宗藩清運兩粵皆親歷之事郡縣藝文志皆不列其目  
蝶菴道人清夢錄一卷 淡生堂鈔本 張佩兼書

上海顧成憲撰自識云予性冷淡自謂廣文冷局頗或相宜不  
意忽銓投留都貴遊叢集殊與麋鹿之性左徒以親在志圖養  
祿不能棄去愧矣悔矣每一清夜思古人奇行對景清言何其

脫也因採昭代往哲足方古人者乘間手寫一兩條以寄趣積而成帙可使夢魂俱滌前有曠翁題男駿佳書云清夢語所載皆本朝士人高韻事存之以備異日之採擇藍格鈔本版心有淡生堂鈔本五字末有張載華印佩兼兩印

留青日札四十卷

明刊本

錢塘田藝衡撰

前有餘杭蔣灼德安劉紹恤長欽序及隆慶六年南海龐嵩札一通田子藝衡像并贊是書一名香字外集間有攷訂所談掌故亦資史志藝文之助

宙載二卷

舊鈔本

永昌張合懋觀著

前有萬曆年江西按察僉事提學石城許穀序云滇士中德行事功卓絕一世惟隆昌貴所張先生九歲能賦詩十六領雲貴



鄉解第一壬辰舉進士歷三曹三藩終楚臬副平生著述帙成者類十數種宙載其一也載取名宙謂所陳之道既通往古復合將來義也余竊歎曰全演文獻在茲歟大之朝廷憲典人物名器小之耳目習常閭閻技術言言根極奧理可以挽世態淑人心參往軌範來學矣又有五世姪孫辰重刊序此爲鈔本諸家著錄未之見樊榭山房詩引其西湖遊諺晴湖不如雨湖雨湖不如月湖月湖不如雪湖外書卻未載也

類次書肆說鈴二卷

明刊本

太末葉秉敬敬君著吳興閔元衢康侯次

前有萬歷丁酉秉敬自序云揚子雲曰好書而不要諸仲尼書肆也好說而不見諸仲尼說鈴也嗚呼世無仲尼吾將誰問吾其爲書肆說鈴而已書本三卷烏程閔元衢重編序爲分十一類併作二卷上卷論毛詩春秋爾雅道德經莊子下卷論史記

白虎通文選學文古詩學詩天文時令統數道學韻字

廣筆疇一卷

淡生堂鈔本

北書藍格白紙爲淡生堂鈔本有山陰祁氏藏書之章淡生堂藏書記子孫世珍及澹生堂中儲經籍主人手校無朝夕讀之欣然忘飲食典衣市書恆不給後人但念阿翁癖子孫益之守弗失曠翁銘方圓大小四印前記云筆疇二卷王達善所記子書之雜家也廣筆疇一卷不著作者姓名與筆疇殊不類取古人言行之近道者以示模楷蓋自警之一編也每段附以一論亦近時之所作四明姚濂又有續筆疇載於集中亦一卷曠翁識男駿佳書

巾箱說一卷

稿本

會稽壑門金埴小鄭撰

此書所錄皆經史餘緒南北涉歷友朋軼事約二百條全謝山

太史祖望撰徵士谷林趙君誄內有山陰金小郊詩人也窮老  
無子慈水鄭義門謂曰生于我乎養死于我乎殯小郊已安之  
矣俄而辭之遠行谷林遇之錢塘江上問將何之曰之楚曰八  
十老人盛暑爲二千里之行非情也固留之止其家半年而病  
醫之藥之死則殮之呼其從子而歸其櫬以葬之義門聞小郊  
之卒也爲之慟及聞谷林之竟其後事也爲之流涕谷林之善  
行不可悉述卽此足以槩見其餘微此帙此誄則小郊之名字  
已翳如矣

蘿屋書見一卷 寫本

有惟憲一印當是汪積山先生隨手雜錄之冊先生各惟憲字  
子宜又號水蓮仁和人雍正間選拔貢生試輒冠儕偶聲各噪  
甚而奉己守約動法古人不與世苟立異同梁學士同書其壻  
也生平於書無所不讀書法亦清挺蒼秀此冊可證其所學也

玉几山房聽雨錄一卷

手寫稿本

魏稼孫舊藏

陳撰著撰字楞山號玉几山人鄞人寓杭最久乾隆丙辰薦舉博學鴻詞工書善畫皆入逸品年至八十以外先生南宋雜事詩題辭有云宋社既屋南渡事蹟俱湮其雜見於志乘紀載者悉零棊子屑缺而未備予本鄞人僑居是地屢欲搜討勒成一編而遺文放失祕籍莫窺無已而閱市借人掌題舌舐迄今數閱寒暑尙未卒稿殆卽是錄隨筆行楷風神適逸真可作法帖觀舊爲新安項芷房古潤戴培之收藏劫後歸許信臣中丞手跋以贈魏稼孫轉而贈八千卷樓有陳撰印雲溪詞客蔣生玉屏珍賞小天籟閣諸印

右雜家類雜說之屬

負暄野錄二卷

舊鈔本

汪魚亭藏書

右爲宋陳樞撰發明古今碑刻及翰墨諸法後附文房四寶之

評標與范石湖姜白石同時有至正七年王起善樊士寬題識  
有靜坐養天和圖章每愛奇書手自鈔方印汪魚亭藏閱書印  
雪煙過眼錄二卷 舊鈔本

周密公謹著

是書記所見書畫古器略品甲乙不甚攷證 四庫著錄係四

卷本此爲乾隆乙卯丁敬身鈔

居家必用事類全集十卷 明刊本

此書不見諸藏書家著錄惟東瀛經籍訪古志著錄有元槧壬  
癸二卷每半版十三行行二十二子卷中標目併二行大書又  
明刊本云每集首有目錄無序跋每卷首題居家必用事類全  
集次行題某集每半版九行行十六字卷中標目白文模出攷  
版式當嘉靖間刊此帙攷之悉合

墨戲小錄六卷 明刊本 怡府藏書

卷一爲文府清事二博古緒餘三飲膳集珍四渴茗品勝五醫  
方捷法六藝術劇戲隆慶五年吳氏梓於聚好堂中前題湯陽  
郡長啟元道人共繼有云暇日檢書偶及此錄自文藝種植服  
食治生諸凡怡玩如元凱武庫隨取具足不知輯於何人並無  
脫稿行世晦且溼者亦已久矣因訂其譌舛益其缺略命工鏤  
以成帙按絳雲樓書目有此題曰墨娥小品錄衍一品字豈別  
一刻耶有明善堂覽書畫印記安樂堂藏書印皆怡府舊鈐

格古要論三卷

舊鈔本

雲間寶古生曹昭明仲著

前有序曰先子貞隱處士好古博雅蓄古法帖名畫古琴舊硯  
彝鼎尊壺之屬置之齋閣以爲珍玩予自幼亦酷嗜之侍於先  
子之側凡見一物必遍閱圖譜究來歷格優劣別是否而後已  
迨今老猶弗怠特患其不精耳舉其要略以示世之好事者書

成於洪武二十年凡分十三門頗爲賞鑒家所重

新增格古要論十三卷

明刊本

盧抱經校藏

雲間曹昭明仲著舒敏志學編吉水王佐功載增

前載曹昭舒敏二序并遂州鄭樸新增序凡例云合曹舒二舊本錄之今又增陝西各碑帖及書畫文房四寶唐宋誥敕玉璽鐵券教令服帶魚袋與耕織圖宋元宮殿皆列焉皆游藝之資耳盧弓父校而藏之有跋語

清祕藏二卷

明鈔本 曹倦圃舊藏

被褐先生授第三男謙德述

是編上卷二十門下卷十門雜論玩好賞鑒諸物被褐先生乃張氏應文字茂實崑山監生屢試不售以古器書畫自娛謙德卽作清河書畫舫之張丑後改名也清祕藏者王穉登序謂取倪雲林清祕閣意也有自序列於首 四庫所收爲鮑氏知不

足齋刊附丑眞蹟日錄後之本此爲橋李曹氏藏本有曹溶之  
印潔躬氏諸印殆明人所寫耳

山房四友譜一卷

明鈔本

烟波釣徒裔孫丑青父造

自序云余性疎懶不諳俗事頗與筆墨有緣閒居不揆荒陋手  
次室中所備作山房四友譜一文友左邱明春秋圖語莊周內  
外雜篇屈平楚詞司馬遷史記附校定史記眞本序例一詩友  
蘇武李陵曹植劉楨陶淵明謝靈運李白杜甫各詩集一諧友  
宋王義慶世說新語元關漢卿崔氏春秋宋武陵逸史草堂詩  
餘自編名山藏二百卷附序例一狎友玉版紙松煙墨斑竹管  
端溪硯梅花斷文琴玉靶劍圍棋簫漢銅鏡沈香柄麈是譜乃  
張氏藏書十種之一 四庫存目此猶是明鈔也

右雜家類雜品之屬



羣書治要五十卷 日本刊本

祕書監鉅鹿男魏徵等奉敕撰

徵字元成魏州曲城人官至太子太師諡文貞唐書有傳宋王  
溥唐會要云貞觀五年九月二十七日祕書監魏徵撰羣書治  
要上之又云太宗欲覽前王得失爰自六經訖於諸子上始五  
帝下盡晉年書成諸王各賜一本又唐書蕭德言傳載太宗詔  
魏徵虞世南褚亮及德言哀次經史百氏帝王所以興衰者上  
之帝愛其廣博而要曰使我稽古臨事不惑者卿等力也德言  
賚賜尤渥故是書題魏徵等奉撰明非出一人手也卷帙與唐  
志合宋史藝文志卽不著錄前有徵序玉海所引序文與此相  
同後有天明七年國子祭酒林敬信序天明五年尾張國校督  
學臣細井德民攷例蓋日本人以卷子本擺印天明五年當乾  
隆五十年流入中華儀徵阮元錄以進呈其中子書多近今闕

佚之本惟缺第四第十三第二十共三卷

意林語要五卷

明刊本 汪魚亭藏書

扶風馬總元會編

前有明嘉靖己五廖自顯序按廖本與天中記所載略同

意林五卷

校道藏本

前有戴叔倫柳伯存二序嘉慶乙亥烏程嚴可均從道藏本瑟字號對校訖又汪選樓鈔本照宋本補錄一卷逸文五則周廣業後序

紺珠集十三卷

明天順刊本 沈自巖藏書

不著撰人晁氏讀書志陳氏書錄解題以爲宋朱勝非撰按紹興丁巳王宗哲序謂紺珠集不知起自何代建陽詹公寺丞出鎮臨汀出示茲集俾之校勘將鏤版以廣其傳宗哲與勝非同時晁氏藏書富致據覈似不當有誤疑莫能明也書凡纂錄說

部一百三十七種體例與曾氏類說相同此明天順七年錢塘  
存有居士賀氏榮重刊本後有自識二篇鈐有沈肖巖藏書印  
紺珠集十三卷

康熙尤氏鈔藏

前有紹興丁巳中元左承直郎全州灌陽縣令王宗哲序又有  
康熙甲午春仲鹽官尤貞起記云紺珠十三卷乃宋朱勝非編  
百家小說成此書又有自序云張燕公有紺珠見之則能記事  
不忘書之名以此王宗哲乃紹興時人而曰不知起自何代豈  
詹寺丞所得本不著姓氏耶有尤貞起印雪霞氏溪南尤氏所  
藏諸印貞起海甯人仕履無攷他日見海昌耆舊當訪問之

家訓筆錄一卷

精鈔本

宋趙鼎撰

錄凡三十則後載自誌一篇原序云吾愿觀京洛士大夫之家  
聚族既眾必立規式爲私門久遠之法今參取諸家簡而可行

者付之汝曹世世守之敢有違者非吾之後也紹興甲子四月十五日得全居士親書

新雕皇宋事實類苑七十八卷

與深翻宋麻沙本

左朝請大夫權發遣吉州軍州事江少虞撰

少虞字虞中常山人政和八年進士調天台學官拒寇有功擢守延饒吉三州治行第一宏治衢州府志有傳前有紹興十五年五月少虞自序我家肇興垂二百年太平竄物容典踵治古而增華未有緝熙炳煥可攷如今者也凡聖謨神訓朝事典物與夫勳名賢達前言往行藝術仙釋神怪外夷緘悉備有釐爲二十八門其門生左迪功郎充吉州州學教授江侯再敘爲目曰祖宗聖訓君臣知遇名臣事蹟德量智識顧問奏對忠言謹論典禮音律官政治績衣冠盛事官職儀制詞翰書籍典故陪革詩賦歌詠文章四六曠達隱逸仙釋僧道休祥夢兆占相醫

藥書畫技藝忠孝節義將相才略知人薦舉廣智博識風俗雜  
記談諧戲謔神異幽怪詐妄謬誤安邊禦寇各以類從全錄原  
文而以書名注於條下十有四年而始成書 四庫著錄止六  
十三卷遺其談諧戲謔以下四門此有日本元和七年前南禪  
寺僧瑞保後跋蓋是年六月彼土鑄造銅字數萬刷印是書賜  
幕府公卿諸臣者目錄標題麻沙新雕皇朝類苑末記紹興二  
十三年癸酉歲中元日麻沙書坊印行每半版十三行行二十  
字

皇朝仕學規範四十卷 依朱鈔本

前有清熙丙申秦川張鑑自序分爲學行已蒞官陰德作文作  
詩六類皆採宋代名臣事狀各據所載之書臚列原文注其出  
典其所援引多修宋史者所未見可以補列傳之遺所引書目  
凡一百種鑑字功甫官奉議郎直祕閣別有南湖集南湖一名

小水晶宮今講爲水星閣久之亦可成古蹟也

經子法語二十四卷

舊鈔本

都陽洪邁

此書凡易一卷書二卷詩三卷周禮二卷禮記四卷儀禮公羊傳穀梁傳孟子荀子列子國語太元經各一卷莊子四卷皆宋洪邁摘經子新穎字句以爲詞科之學備程式之用體例略如類書第不分門目耳

自警編九卷

明嘉靖滇南刊本

前有宋嘉定甲申正月望趙善瑋序善瑋太宗七世孫家於南海嘗知江州書分九類曰學問曰操修曰齊家曰接物曰出處曰事君上下曰政事曰拾遺每類各分子目凡五十有五皆編集北宋名臣大儒嘉言懿行以垂法則并載趙忠獻王普至王忠穆公讓一百六十人姓名字號爵里於前有嘉靖十九年三

山林庭榭刻於閩中被垣舊序四十年雲南按察司提學副使錢塘陳善刻於大理序有鹿原林氏所藏印林正青洙雲題識

自警編九卷

明刊校宋本

前有宋嘉定甲申正月望漢國趙善璠自序曰詩之抑衛武公所以自警者凡十二章紬繹辭旨反覆切至子辛巳去國屏跡龜溪省愆餘暇集我朝諸公言行越三年而成編名以自警書甫成市書徐生售典型錄嘉言善行叩分品列類予所編因廣教育攝養好生使命數門置之座右期無負初意端平改元再跋遂鈔於九江郡齋原分甲乙丙丁戊五卷明洪武甲戌一梓於蜀藩宏治壬戌再梓於嶺表嘉靖四十年吾鄉陳方伯善按察雲南更刊於大理改編九卷萬曆元年姑蘇徐栻巡撫江右就滇本校刊四年移撫兩浙重刊於壯猷堂卽此本更借瞿氏宋本校補之

說儲八卷二集八卷

明刊本

海虞陳禹謨錫元甫著宛陵徐勝芳雲卿梓

禹謨常熟人官兵部郎倣世說之例採摘羣書語隨意劄記萬  
厯己酉自爲序云說儲者儲冗說也二集序爲姚辰素撰

百川學海十集

明宏治翻宋本

首有序云余舊哀雜說數十種日積月累殆逾百家雖編纂各  
殊醇疵相半大要足以識言行裨見聞其不悖於聖賢之指歸  
則一楊子雲有言百川學海而至於海又曰川雖曲而通諸海  
人能由眾說之流派邇學海之淵源則是書之成夫豈小補因  
書諸梓以溥其傳時昭陽作噩歲柔兆執徐月古鄆山人左圭  
禹錫按昭陽作噩者乃咸淳九年癸酉也凡輯漢唐宋諸儒所  
撰志記譜論輿夫銘狀箴史之類共百種以十千分帙宋末元  
初有刊本每半葉十二行每行二十字此爲宏治十四年無錫



華汝德理重雕鏤鶴灘福爲之序有梁仲將珍藏書畫印

澄懷錄二卷

精鈔本

何夢華舊藏

齊人周密公謹父輯

前有自序雜採唐宋諸人所紀登涉之勝與曠達之語彙爲一編皆注書名於其下亦世說新語之支流而變其體例明人小品此其濫觴矣是書爲夢華館鈔本前有何元錫印何氏敬祉嘉慶甲子後所得書諸印

澄懷錄二卷

厲樊榭鈔本

齊人周密公謹父輯

此書用線格精鈔後有樊榭先生記云勝情勝具兼之爲翫弁陽老人於簡冊中作卧游想大是安樂法也所綴葺語雖時見於他書如下卷沈寓山姜白石數則流傳絕少足令閱者齊心

繪目

忍經一卷 元刊本 陸廷燦藏書

錢唐蟾心吳亮編集

謹按 四庫總目忍經一卷元吳亮撰亮字明卿錢唐人前有馮寅序稱吳君精於經術史事至元癸巳解海運元幕之任恬淡自居述歷代帝王世系之暇思其平生行已惟一忍字會集格言大訓以爲一編係永樂大典本當日館臣未嘗見刻本也此雖闕馮序而後有正統二十四年鄭季文重整字跡其爲明卿原刻無疑卷端有陸廷燦印旣爲鄉先達遺著又有明題並國初收藏豈不可寶

大明仁孝皇后勸善書二十卷

明小字刊本

前有永樂三年二月初九日御製序卷末有永樂五年十一月初四日孝子趙王高燧泣血頓首謹書後序云惟我母后相我父皇致治之盛嘗於內治之暇類編三教聖賢之言及善惡感

應之事可爲訓戒者凡二十卷名之曰勸善書問以賜兄皇太子及兄漢王高燧亦蒙降賜日謹佩誦如覩至寶云末又有永樂五年十一月初六日奉天靖難推誠宣力武臣特進榮祿大夫右柱國中軍都督府左都督太子太師淇國公臣邱福等謹上啟翰林院學士兼左春坊大學士奉政大夫臣胡廣謹撰二條按四庫存目爲永樂大典本當時原刊卷首鈐厚載之記四字鑿此則明時別刊小字本每葉二十八行行二十八字字極精湛卷面皆藍綾裝潢分金木水火土五集每集四卷

五倫書六十二卷

明內府刊本

明史藝文志載五倫志六十二卷宣宗採經傳子史嘉言善行有關於五倫者編輯成帙正統十二年五月初二日英宗製序刊行此書櫛刻極精紙闕墨良每卷首鈐有廣運之寶大方印

歷代臣鑒三十七卷

明內府刊本

明宣宗皇帝撰有宣德元年四月御製序曰嗣承洪業夙夜惓惓究惟治理所賴文武之臣同寅協恭以圖無忝春秋以來二千餘年凡臣之行事其善惡大槩間類錄之總三十七卷名歷代臣鑒用賜羣臣俾時覽省善可爲法自列國卿子產歷漢三國晉南北朝隋唐宋元迄余闕凡二十九卷惡可爲戒自漢田蚡歷三國晉南北朝隋唐五代宋遼金元迄字羅帖木兒凡八卷各書事蹟以爲品第 四庫提要云宋之張俊亦在善類似未盡允信爲至中不易之論

歷代君鑒五十卷

明內府刊本

明景皇帝撰景泰四年成書有是年八月御製序曰朕自臨御經筵以來景仰堯舜以前下至三代聖神暨我祖宗謨訓拳拳服膺而弗忘矣然又以主善爲師雖一善不可棄乃采漢唐以來諸君嘉言善行并編輯之揭曰善可爲法其前後凡言行有

可以警省者則附於末揭曰惡可爲戒通五十卷名爲歷代君  
鑒卷一至二十八卷自三皇伏羲歷五代夏商周兩漢蜀漢西  
東晉南北朝唐五代宋金元迄仁宗二十九卷至三十五卷則  
述太祖太宗仁宗宣宗四朝皆善可爲法者也卷三十六至五  
十則自夏之太康歷商周秦漢兩晉南北朝隋唐五代宋遼金  
元之順帝皆惡可爲戒者也仍援臣鑒之例耳

景仰撮書一卷

明初刊本

錫山王達達善述

王達字達善號耐軒居士無錫人洪武中以明經薦官至侍讀  
學士達有盛名與解縉王偁王穉登號東南五子所著天游集  
今已不傳此畫一名尙論篇取古人可爲師法者凡五十三事  
皆前列舊文後系以論明初刻本黃蕘圖後記云景仰撮書世  
不多傳達亦不審爲何時人卷中遇宋太宗仁宗及數字皆提

行以著書者爲宋人按堯圃疑達善爲宋人固誤豈達善錄宋人書其後人誤爲達善所自著與無序無跋靡所折衷特以是書嘉言懿行動可師法達善取高山仰止景行行止之意以爲書名所論亦能推闡古人微意置諸座右如示箴規

爲善陰隲十卷

明刊本

右爲明永樂十七年三月十三日敕刊頒行前後有成祖撰序所採共一百六十五條各以四字標題加之論斷并系以詩按永樂自壬午陷南都癸未遷都北京十七年歲次己亥是書成後五年甲辰崩於塞外當靖難師成誅戮忠良千載而下有餘慟焉爲是書者其有感發斯民之心乎抑有暮年懺悔之意乎有欽訓堂書畫記大司空裔奇勛私印高恂之印子子孫孫永寶諸印

學圃意蘇六卷

明刊本

朗陵陳耀文晦伯甫纂

是編雜錄諸書新異之語自備談資不立門目亦無攷訂蓋隨閱隨鈔之本晦伯初官陝西署後有雙檜題曰檜林雜志及歸里補輯成帙取蕙草忘憂皋蘇釋勞之義改題此名前有萬歷丁丑同郡王祖嫡序及耀文自序有曹氏巢南周小睦收藏諸印

歷代小史一百五卷

明刊本

前有沔陽陳文燭序云中丞趙公刻歷代野史委序於不佞授而卒業侍御李公所集也孫淵如觀察廉石居藏書記云右歷代小史一百五卷明李拭輯錄路史而下至明代諸家所紀種各一卷皆節其文者始陶氏說郭之類歟文燭字玉叔嘉靖乙丑進士官至南京大理寺卿有二酉堂集

灼艾集續集餘集新集八卷

明刊本

四明萬表選集

表字鹿園號九沙山人官都督初集寓金陵因灼艾休暇日涉  
諸說有會於心者輒手錄之遂名灼艾續集時在嘉靖甲午承  
乏督漕舟行閒暇隨意漫錄復成斯帙餘集則成於丙申新集  
則暑中病居長日無事復選錄云其子達甫訂證孫邦孚重梓  
絳雲樓書目收極矜慎此書有之善可知矣

百八手珠一卷

明刊本

錢塘潘懋功仲奇父著

前有萬歷乙卯仲秋自引稱碧鱗居士書於菽園之玉樹臨風  
臺云夫能塗人於所聽聞之頃必無可遁於中夜之一思則覺  
人者妄自覺者真以妄語人曾不若以真自語也余故偶有所  
覺輒以語心而不欲茹其所吐漸以成帙得百八焉名曰手珠  
半皆寓言耳懋功爲萬歷丙午舉人引後有澧陽守章當爲歷



官之地郡縣志無傳藝文志亦不列其目有丁菡生家藏書籍

印

宋賢事彙二卷

明刊本

明資善大夫禮部尚書兼東閣大學士李廷機彙集

前有廷機自序凡採史書說部所載宋人行事分四十三類以爲鑒觀此書爲明都察院右僉都御史巡撫應天徐式校正直隸蘇州府長洲縣知縣袁熙臣同校有青浦陳氏藏書陳以謙印兩圖書

右雜家類雜纂之屬

子彙無卷數

明萬曆鈔本

周子義編輯

首儒家鬻子一卷晏子二卷孔叢子三卷賈子新書二卷陸子一卷小荀子一卷鹿門子一卷次道家文子二卷關尹子一卷

亢倉子一卷鵠冠子二卷黃石公素書一卷天隱子一卷元眞子外篇一卷无能子三卷齊邱子一卷次名家鄧析子一卷尹文子一卷公孫龍子一卷慎子一卷次縱橫家鬼谷子一卷外篇一卷次墨家墨子一卷次雜家子華子二卷劉子一卷共二十四種攷彙刻書目所載止二十三種此獨多天隱子一卷洵無遺闕其中鷲子晏子孔叢子賈子文子關尹子亢倉子慎子墨子子華子劉子有丁丑夏目潛菴手識收藏家無知其人者歸安陸心源儀顧堂續跋定爲周子義所編惟鷲子晏子列入儒家鵠冠子黃石子齊邱子列入道家編目未免稍紊申鑒改名小荀子亦嫌杜撰耳

劉宋二子四卷

明刊本

王藹士藏書

郁離子開國胡運守正文臣資善大夫御史中丞兼宏文館學士誠意伯青田劉基著龍門子凝道記翰林學士承旨浦江潛

溪宋濂著按郁離子十八篇一百九十五條乃誠意仕元不得  
意棄官歸隱青田時所著天台徐一夔序稱門生謂離爲火文  
明之象言用之爲文郁郁然爲盛世文明之治翰林編修吳從  
善同序向附載誠意伯集中嘉靖間餘姚張元又爲之序凝道  
爲潛溪至正十六年入小龍門山著書曰四符曰八樞曰十二  
微符言合樞言奧微言緼也總二十有四篇以按一歲之氣號  
之曰凝道記成化間龍泉徐禮爲之序嘉靖丙申麗水何鏗貳  
守開封景仰鄉賢合而刻之既自序復徵大梁李濂爲序題曰  
劉宋二子有王金銛印湛廬藏書二印

蓉塘雜著十卷

舊鈔本

王肅士藏書

明仁和姜南纂

按浙江採遺書總錄有蓉塘詩話二十卷刊本凡十八種如洗  
硯新錄履築記半村老人閒談諸名目陸深爲之序卷中閒及

他事不止論詩吳焯曰文筆修潔不減陶南村云此寫本爲半  
村閒談投瓊隨筆風月堂雜譏學圃餘力叩舷憑軾錄墨畚錢  
鑄瓠里子筆談洗硯新錄蓉塘紀聞抱璞簡記凡十種附以方  
拱乾甯古塔紀略蓋彙鈔時增入也

說部新書十冊

舊鈔本

海昌許純醇夫氏手輯

一冊爲李衍畫竹譜管道昇墨竹譜華光畫梅譜王穉登丹青  
志沈穎畫塵洪芻香譜陳鼎荔枝譜高兆荔社紀事林嗣瑨荔  
枝話楮人種續蟹譜袁宏道志促織二冊爲吳均續齊諧記梅  
墟校四字數汪雲程蹴鞠圖譜柳宗元絃子記張鑑賞心樂事  
王穉登吳社記三冊爲褚澄楮氏遺書陳恂餘菴雜錄曹溶地  
學指歸四五冊龔明之中吳紀聞六冊周輝清波別志七冊周  
必大二老堂雜誌八冊鍾嗣成錄鬼簿九冊楊慎演說記陳鼎點

遊記十冊都穆寓意編杜瓊紀善錄陸垵贊齋雜錄祝允明讀書筆記鄭善夫經世要談醇夫名焯字純也通籍木天卽乞養歸里田園所入悉以買書人有善本必爲借錄所得書鈐以小印曰个是醇夫手種田闕學稼軒藏之此書十冊雜錄歷朝小品三十有二種皆家僮所寫也吾友許壬伯廣文人杰爲公之元孫有跋綴於後

續谷雜鈔六卷 舊鈔本 吳尺鳧藏書

此書彙集七種錢世昭錢氏私誌錢惟演家王故事周密紹興行禮記陳晦行都紀事于筆錢塘瑣記周密思陵書畫記李有古杭雜記鈔寫絕精前有尺鳧手書云往與陸雲士論吾邑修志事謂數書不可得見今年夏訪之吳興曹氏得二種又從吳郡得五種命工錄之歸按錢氏私誌世昭以私憾毀歐公非信論也家王故事僅摘備史中語紹熙行禮記序當時一事特詳

行都記事錢塘瑣記古杭雜記大半摘鈔夢梁錄亦疑是節本  
思陵書畫記僅載裝潢不及書畫人姓名校之宣和畫譜大有  
間矣歸舟檢閱略記於此康熙丁酉五月廿又三日石門道中  
薄夜書吳焯紙格有瓶華齋三字除錢氏私誌一種另目外存  
此六種以見尺鬼先生訪書之勤品題之精

右雜家類雜編之屬

善本書室藏書志卷十九終



善本書室藏書志卷二十

錢塘丁丙松生甫輯

子部十

藝文類聚一百卷 明刊本 陳子準手校

唐太子率更令宏文館學士歐陽詢撰

每葉二十八行行二十八字此吳郡陸子元刻本大致與蘭雪堂華氏活印本同陳子準以馮已蒼校宋本訂正譌脫已蒼云八十五至八十七三卷中宋本亦雜亂無緒子準云似有後人增入處非率更原書有詢自序詢字信本潭州臨湘人事蹟具唐書本傳一至五卷補配無校宋別有山西巡撫蘇祐黃洪昆按察司僉事鄭光平陽知府張松重刻序

初學記三十卷 明嘉靖安氏刊本

光祿大夫行右散騎常侍集賢院學士副知院事東海郡開國公



徐堅等奉敕撰

右記凡二十三部三百一十三子目其例前爲敘事次事對次詩文敘事雖雜取羣書而次第若相連屬事對詩文採錄亦皆不苟地部五岳之外載終南四瀆之外載洛水渭水涇水又驪山湯泉昆明池以唐代兩都之故也前爲紹興四年歲次甲寅正月上元右修職郎建陽縣丞福唐劉本序次爲嘉靖辛卯夏六月賜進士出身資政大夫戶部尚書侍經筵官致仕進階榮祿大夫前奉敕參贊機務南京禮兵二部尚書錫山秦金撰重刊序云初學記一編唐集賢學士徐公堅奉敕撰也歲久版廢鈔本狼籍字多舛譌觀者病之錫義士安國購得善本謀諸塾賓郭禾相與校讐釐正遂成完書繕寫鈔校以傳字大悅目殆依宋雕舊式晉藩本尙在其後

初學記三十卷

明嘉靖晉藩刊本

唐光祿大夫行右散騎常侍集賢院學士副知院事東海郡開國公徐堅等奉敕撰

前有宋紹興四年建陽縣丞福唐劉本撰序明嘉靖甲午錫山秦金重刊序是年晉藩虛益堂重刊序云伯考端王雅重文藝將刻未就而逝伯妣繼妃王夙嗜典籍知此舉不可廢令內典膳楊保左長史馬朋請於督學憲副曹公嘉命教官張三畏取刻本再加精校以成先王之志而伯考妣崇文樂善之意可以永終譽矣

唐宋白孔六帖一百卷

明刊本

文獻通攷六帖三十卷唐白居易撰後六帖三十卷宋知撫州孔傳撰此本合兩爲一又以六十卷增作百卷殆出於南宋之末白氏六帖舊有元祐五年博平王安世序今已佚此本冠以韓駒序乃專刻孔帖明證晁公武讀書志稱居易原本不載所

出書曾祖父祕閣公爲之注行於世公武自述家事當必不誤  
標題補注蒙求三卷

明萬曆刊本 吳璜川汪魚亭藏書

唐李翰撰宋徐子光補注明顧起綸補輯

翰本作瀚晉人非唐人也五代史桑維翰傳稱瀚爲翰林學士  
好飲而多酒過晉高祖以爲浮薄書錄解題有補注蒙求八卷  
徐子光撰以瀚句爲注注頗精核後人併爲二卷此明句吳願  
元言起綸以中多佳事僞語特著標目復署類編次改作三卷  
并自爲序時在萬曆元年寫刻精工版心刊奇字齋三字有璜  
川吳氏收藏圖書汪魚亭藏閱書鳴野山房三印

事類賦三十卷

明刊本

宋博士渤海吳淑撰注

前有進注事類賦狀稱先進所著一字題賦百首退惟無累方  
積競憂遽奉訓辭俾加注釋又稱前所進二十卷加以注解卷

帙稍大今爲三十卷目曰事類賦分天歲時地寶貨樂服用什物飲食禽獸草木果鱗介魚蟲諸部紹興丙寅邊惇德序淑字正儀丹陽人事蹟具宋史文苑傳是書沾溉詞場坊刻劇駭轉失善本此爲嘉靖壬辰無錫縣崇正書院刊後有校刊諸生姓名

文選雙字類要三卷 明刊本 沈椒園藏書

宋學士蘇易簡著明嘉靖庚子莆田姚虞序凡爲門四十爲類五百若連珠合璧爛然盈目皇甫汙序後天一閣目有是書此爲花山馬氏舊藏繼歸吾杭忠清沈氏又歸海昌沈氏有馬思贊仲韓沈廷芳印椒園海甯沈氏匏尊珍藏諸印廷芳字荻林椒園其號也仁和人乾隆丙辰薦舉鴻博除庶吉士官至山東按察使著有理學淵源錄等書

太平御覽一千卷 舊鈔殘本

翰林學士承旨正奉大夫守工部尙書知制誥上柱國隴西縣開國伯食邑七百戶賜紫金袋臣李昉等奉敕纂

御覽成於太平興國八年北宋初古籍未亡其所引秦漢以來之書多至一千六百九十餘種類爲五十五門總一千卷宋慶元時成都府路轉運判官蒲叔獻刊於蜀中明隆慶時浙人倪炳文補無錫活字本萬曆時黃正色刊本卷帙繁重流傳極少本朝嘉慶十四年昭文張海鵬合周錫瓚宋刻三百六十六卷黃丕烈舊鈔五百十九卷又序目十六卷孫衡藏四十卷戚芸生藏三十卷張氏自藏舊鈔二十二卷范氏天一閣舊鈔二十三卷刻於照曠閣至二十三年歛鮑崇城於明黃正色刊活字本外又得祁氏澹生堂鈕氏世學樓嚴氏鈐山堂各寫本又假阮文達所藏何元錫合集歸張海鵬所刊底本彙校雕刊嗣張版遭燬近惟鮑本獨傳余先後得明鈔影宋小字本每葉二十

六行行二十二三字不等與周明經錫瓚所藏宋刻合凡四百二十餘卷又明鈔每葉廿六行行二十字本凡四百三十卷又朱文藻照宋校黃正色刊本二百九十餘卷三本皆無顛倒誤舛可繼張鮑兩氏合刊之初基也藏之以俟他日云

事物紀原事類二十卷

明成化刊本

黃蕘圃藏書

鄉貢進士南昌閻敬校正平陽府判成安李果批點

前有正統十二年南昌閻敬序云國子祭酒頤菴胡先生致政來歸嘗以是書授敬曰子詳觀而識之亦格物窮理之一助書凡十卷紀事一千八百四十有一作者逸其姓氏不可攷成化八年李果序云正統甲子獲觀事物紀原乃今祭酒江右頤菴先生之所傳南平趙弼先生之所刪訂者也景泰改元叨與鄉舉亦於書坊得此全集乃頤菴所傳舊本南昌貢士閻敬之所校正者校之刪本事倍而詳然趙本雖虛幻難信者可刪若有

所攷據既不繫乎彝典又非排抵之書其於陰陽造化禮樂名物亦多有助云後有雍正癸丑寶研居士以宋本勘對題字又以舊鈔本用黃筆再校部字悉改爲門字宋朝悉改作國朝皇朝校補脫文刪削羨字不可枚舉嘉慶乙丑堯翁黃丕烈識其後云所謂舊鈔本者卽趙本也有來穀松佛軒兩印

事物紀原二十卷

明正統刊本

馬笏齋藏書

是書趙氏讀書附志陳氏書錄解題俱謂宋高承撰上十卷凡二十七門下十卷凡二十三門有歷代攷注事物紀原書傳諸儒姓氏前爲正統甲子湖廣漢陽推官建安陳華文輝序并批點致仕教諭南正趙弼校正略加刪節者也後有建安陳昌泰之繕寫一條鈐武原馬氏藏書馬玉堂觀各印

書敘指南十二卷

明嘉靖刊本

浚水正齋任廣德儉編次四明白石柴榮季通增定

據陳氏書錄解題廣爲崇甯間人文獻通攷作廣浚蓋以人名地名誤連爲一也北宋有槧本流傳絕少嘉靖六年御史沈松得沁水李瀚藏本分八十三類二十卷刻於山西此亦嘉靖三十七年爲四明柴通所增定事類則益卷帙轉損採掇簡要各疏出處以供啟劄之用前有知吳縣事成安槐林安謙爲序

海錄碎事二十二卷

明刊本

宋泉州太守葉廷珪集著

前有紹興十九年河陽傳自得安道序又廷珪自序云兒時嗜書家貧無可讀曾大父押綱至京傾橐市數十部以歸因得盡讀至後入仕四十餘年見書益多未嘗一日釋手卷帙聞士大夫家有異書無不借借無不讀讀無不終閒擇其可用者手鈔之名曰海錄其細碎如竹頭木屑者爲海錄碎事紹興十八年秋得郡泉山公餘無事取而類之爲門百七十五爲卷二十有



二萬厯戊戌河南僉憲沛國劉鳳撰序并校刻

帝王經世圖譜十六卷

鳴野山房精鈔本

宋唐仲友撰

仲友字與政金華人紹興中進士復中宏詞科後守台州爲朱子所論罷是書分類纂言系以圖譜於先聖大經大法綜括貫串凡所辨訂並皆精確原書十卷永樂大典中所錄已析爲十五卷四庫館臣詳加釐正分爲一十六卷此鳴野山房精鈔本也清吟閣瞿氏刻本勞季言云校不甚精未及此本之善

職方分紀五十卷

十萬卷樓鈔本

是紀爲宋孫逢吉撰逢吉字彥同富春人事蹟具宋史本傳舊有元祐七年秦觀序此編無之殆因其謬誤而去之歟每官先列周官典章次序歷代制度沿革各姓故事根據經注沿革史傳搜採頗爲繁富

新刊歷代制度詳說十五卷

舊鈔本

東萊先生呂祖謙伯恭編撰

前有元泰定三年廬陵後學彭飛序後有道光十五年海鹽馬玉堂跋云此書與四庫本分卷序次多有先後且多宗室祀事兩類按提要云祖謙年譜不載此書蓋采輯事類以備答策家塾私課非特著者也浦江戴殿江云嘗讀朱子答東萊書曰近日建陽印一小冊名精騎云出於賢者之手此書流傳恐誤後生輩讀書愈不成片段雖是文學亦當求全篇中攷其節目關鍵年譜之不入或有感於朱子之言歟是宋刻初名精騎廬陵彭氏得其舊本目爲未竟之書刊布以傳當與羣書會元截江網源流至論同觀可耳

錦繡萬花谷前集四十卷後集四十卷續集四十卷

明刊本  
峰藏書

龍泰

不著撰人名氏自序題淳熙十五年十月一日明代有會通館

刻本嘉靖間錫山秦汴得宋刻重校之黃氏千頃堂書目尙有別集三十卷不見自序當爲後人續增故不爲雕傳也有壽椿草堂曾寄申江郁氏處泰峰諸印

新編古今事文類聚前集六十卷後集五十卷續集二十八卷別集二十二卷新集三十六卷 元刊本

前後續別集建安祝穆和父編新集南江富大用時可編

前集首清祜丙午臘月望日晚進祝穆伯和父謹識云記問非講學所集而亦講學之一助講學固以窮理爲尙而攷古訂今亦必資記問之博使有一書之未讀一物之不知則將羣疑塞胸無說可祛萬事搏手無術可應由是觀之講學之與記問雖若輕重之不侔而又奚可偏廢哉然記事爲難記文爲尤難穆至愚陋且復善忘凡觀古人嘉言粹行大篇短章隨卽疏記積以累年遂成鉅帙自義農以至我宋各循世代之次紀事而必

提其要彙文而必拔其尤編成以古今事類名之自念幼失所  
枯紫陽朱夫子以其母黨子姪實教育於攷亭書院粗聞當時  
緒論今老矣無成猶廢目力於此者良由善足以爲法不善足  
以爲戒或賦詩以吟詠情性或立言以發明理教致講學之士  
亦將有取豈徒類書之云乎按穆字和父此序又題伯和豈兩  
字耶觀此序亦微見講學盛行事少實踐之弊耳右巾箱黑口  
版每葉廿八行行廿八字此惟存穆所編前後續別四集與大  
用編新集一種其外集闕焉涓祐丙午爲宋理宗六年孫氏廉  
石居藏此書外集目錄後有木條題泰定丙寅廬陵武溪書院  
新刊一條茲雖闕猶可想像及之

新編事文類聚前集六十卷後集五十卷續集二十八卷別集三十

二卷新集三十六卷外集十五卷遺集十五卷

明翻元本

建安祝穆和父編集新外集南江富大用時可編集遺集建安祝

淵宗禮編

首載淳祐丙午穆自序穆別著方輿勝覽此書後集十卷內有  
呂午跋稱穆事甚詳大用與淵皆無所攷其書每類皆始以羣  
書要語次古今事實次古今文集略仿藝文類聚多載全篇大  
用與淵體例皆無所攷是編六集皆知建陽縣南海鄒可張訂  
刻目錄前有凡例云是編告成惟本朝諸賢所著之文不敢僭  
書其諱謹依文選各以字書云云萬曆甲辰金谿唐氏重刊佚  
去遺集此另刻本也別藏日本刊本七集之外又有雜集二卷  
無撰人名氏疑明人所增

記纂淵海一百卷

明刊本

宋教授金華潘自牧纂集皇明大名知府東魯王嘉賓補遺

是書分門隸事與他著略同惟以天地人物提綱天道祇五卷  
地理則二十卷人事則六十四卷物類又僅十一卷詳近略遠

詳大略細與他著體例有別原本一百九十六卷萬曆己卯整飭大名等處兵備河南按察司副使臨川陳文燧序稱余先世強恕公牧石諸公求之閩蜀得前編周流吳越復購後編寶玩幾百年所矣中葉零缺今承乏畿南公暇謬爲補注剝落太甚者屬別駕蔡公等采輯諸書補缺序次而太守越峰王公捐俸梓之又有句餘胡維新一序

雞肋一卷

明覆宋本

古汴趙崇綯元素自序云余嗜書性根弗健無彊記能寘一編於几視間隨筆錄之久而成卷以類鈔聚別爲一卷名曰雞肋崇綯乃作諸蕃志之趙汝适子自稱汴人不忘本也明陳禹謨之駢志本朝方中德之古事比卽援其體例耳

天台陳先生類編全芳備祖五十八卷

舊鈔本

江淮肥遯愚一子陳景沂編輯建安祝穆訂正

前有寶祐元年安陽老圃韓境序及景沂自序前集二十七卷  
爲花部後集三十一卷爲果部卉部草部木部農桑部蔬部藥  
部每部分事實賦詠二門而事實又分碎品紀要雜著諸目賦  
詠分各體詩及詞採南宋人作爲多間有本集已佚者有胡氏  
、英村藏本一印

羣書攷索前集六十六卷後集六十五卷續集五十六卷別集二十  
五卷

明正德劉洪慎獨齋刊本 怡府藏書

山堂先生章俊卿編輯

前有正德戊辰七月鄉貢進士莆田守素軒鄭京序曰山堂攷  
索一書宋儒章公俊卿所編版被回祿失傳久矣吾閩僉憲阮  
公賓巡建陽出是書示邑宰區公玉曰是書大而天文地理君  
道臣道經史禮樂以至兵刑制置財用官制邊防靡不深探本  
源具載無遺欲梓廣傳區商諸書林義士劉君洪兩越春秋始

克成書前集分十三類後集七類續集十五類別集十一類引據博瞻攷辨精核非南宋類書所及又有山堂先生眞像後記云諱如愚字俊卿金華人慶元中進士初授國子博士詔誥制敕皆出其手改知貴州因忤韓侂胄罷歸結山堂以講道義咸尊師之卷端有明善堂安樂堂怡府世寶諸印

古今合璧事類備要前集六十九卷後集八十一卷續集五十六卷別集九十四卷外集六十六卷

明嘉靖夏氏重刊宋本

膠庠進士謝惟新去咎編

前有寶祐丁巳維新自序云是編始而天文地理次而節序人物以至族屬官職姓氏之分儒學仕進道釋技藝之等與吉凶慶弔冠婚喪祭之儀草木蟲魚器用動什之末莫不類而得其備備而得其要次有黃叔度似道跋云謝去咎攜一編以示曰此友劉兄德亨所託編事類備要不私所藏欲廣其傳劉蓋當



時坊買也按目後記云昨刊古今備要四集盛行於世但門目未備再刻外集玩其語氣此數行殆德亨所題嘉靖丙辰晉陵顧可學重刊序云衢人夏相業書居吳將重繡之梓甫飭材鳩工以飛語繫公府久始白貲已莫繼力貸鼎族自傾田廬越三四歲始成其用志亦良可憫則是書宋明兩代俱出於書賈之手也

新箋決科古今源流至論前集十卷後集十卷續集十卷別集十卷  
元刊本 怡府藏書

閩川林駟德頌別集進士三山黃履翁吉父編

前有嘉熙丁酉三山前進士黃履翁序云林君德頌雅有遠度志在邦典嘗取治體之大者約百餘目參古今之宜窮始終之要問而辨之端如貫珠舉而行之審如中鵠以淹貫之學發而爲經濟之心先生之論其至論也故名曰古今源流至論別集

有履翁自序目錄後有大德丁未建陽書林劉克常識云此書  
版行於世因回祿殘缺今求到校官孟聲董先生鏞鈔本端請  
名儒參攷無誤仍分四集鬻諸梓與四方共之木記此麻沙坊  
刻每葉三十行行二十五字愛日精廬所藏爲延祐丁巳圓沙  
書院刊較此遲梓十年矣

玉海二百卷附詞學指南四卷

元刊本

浚儀王應麟伯厚甫

前有元至元三年浙東道宣慰使司都元帥也乞里不花等官  
牒版刊於慶元路儒學公之孫厚孫甯孫承命校勘書寫者爲  
王秉王陞楊德載并刻詩攷等十三種附於後當時修改未竟  
逮至正十二年慶元路總管阿殷圖命厚孫校正誤漏六萬字  
遂爲完書有公自跋及厚孫跋李桓阿殷圖王介等序胡助薛  
元德序已缺此書版刻明置國子監遞有修補模印極多漫漶

光緒間借浙江書局刊作底本流傳校對紙墨益敝張小雲孝廉大昌充總校爲余修補稍復舊觀

六帖補二十卷

依宋鈔本

代郡楊伯喆彥瞻集

竹坡呂午序曰泳齋楊君乃輯白氏孔氏之遺而爲之補泳齋楊和王曾孫刻志好學多見異書所輯六帖補二十卷搜奇拔異事富語新是可與二氏六帖並行乎此依宋刻本傳錄卷末列校正諸人姓名曰鄉貢進士州學教諭張應采免解進士州學教諭徐應采等八人又有涪祐甲辰衢州州學教授俞仕禮跋蓋當時刊於衢州學宮者

敬求機要十六卷

精鈔本

清吟閣瞿氏藏書

月梧劉芳實撰鳳梧劉茂實注

按書中歷代帝王條稱宋自庚申至丙子三百一十七年止不

數是昴二王當爲元人所作往往中稱大宋猶是宋之遺民其書以歷代故實編爲歌括卷一二三爲歷代帝王卷四五爲歷代聖賢羣輔卷六爲稱號相同卷七爲經書卷八爲諸子卷九爲史書卷十爲天文律呂節候十一爲地理山澤十二爲官制沿革十三爲文武制度法禁十四爲綱常德行道藝十五爲人品身體十六爲物產服食器用蓋鄉塾課蒙之本便於記誦然其攷證頗多精核書衣題道光丙申嘉平月清吟閣鈔本一行按清吟閣爲錢塘瞿穎山先生藏書之所先生名世瑛家素豐旁無妾侍手鈔罕見古書以爲日課積數十年幾至千冊校刊東萊博議帝王經世圖譜陽春白雪世稱善本

壁水羣英待問會元九十卷

宋刊本

明陳白陽藏書

宋劉達可編涪祐乙巳良月朔前進士建安陳子和中甫序仕履皆未詳是書命意立題分條析縷凡帝王之政治聖賢之性

道名臣碩德之建明諸子百家之纂紀靡不綴拾羣言鋪張宏議爲大學諸生對策而設故有待問之名嘉靖壬辰慎獨齋刊有八十二卷本乃正德四年王敕所序沈淮所校拾殘補脫名曰選要初非原帙此則天水初槧淳祐舊編每葉二十二行每行二十三字精爽奪目流覽愜心況有陳氏道復字孟霖兩印久爲名家所珍耶道復名潛號白陽山人明長洲人從文衡山遊凡經學古文詞章書法畫品咸臻其妙

新編事文類聚翰墨全書一百二十七卷

元刊本

前鄉貢進士省軒劉應李希祕編

前有元大德十一年前進士攷亭熊禾去非序曰劉君此編白冠昏以至喪祭近自人倫日用遠而至於天地萬物凡可以寓之文者莫不畢備其亦異乎世之所謂攷劄者矣其間俚俗之言怪異之說雖不能悉去亦必爲之訂其謬譌而究其指歸劉

君之用志亦可尚也。劉君力學善文，與余講學武夷洪源山中者十有二年，所造甚深。此特其游藝之末耳。平澗伯氏爲刊是書，君之可傳於世者固不止是也。案是書仿祝穆事文類聚之例，分二十五門，採摭繁富而踳雜亦所不免。四庫雖入存目，而傳本極稀。凡甲集十二卷、乙集九卷、丙集五卷、丁集五卷、戊集五卷，已集七卷、庚集二十四卷、辛集十卷、壬集十二卷、癸集十一卷，後甲集八卷、乙集三卷、丙集五卷、丁集八卷、戊集九卷。小匡細字是元時麻沙坊刻，其後乙集三卷乃元混一方輿勝覽錢竹汀云混一方輿勝覽無撰人姓名，蓋書肆所刊其文甚簡。然今時流傳者已少矣。語詳潛研堂集傳是樓書目有其書。汪氏藝芸精舍亦有元槧本。

韻府羣玉二十卷

元刊本 一文三橋藏書

晚學陰時夫勁弦編輯新吳陰中夫復春編注

前有翰林滕賓序云陰君昆仲爲韻府羣玉以事繫韻以韻摘事經史子傳蒐獵靡遺是能以有窮之韻而寄無窮之事亦大奇矣又至大庚戌江村姚雲序又翰林承旨趙子昂題云上涉羣經下苞諸子賢於回溪史韻多矣又大德丁未陰竹筮倦翁序云一日登書樓見季子棐几萬籤問之曰幸父兄與歲月暇得恣獵羣籍遇欣然與意會處筆之將繫於韻摘其異而會諸同也爰授以凡例俾勉爲之垂三十載告成又延祐甲寅陰復春自序云予季以事繫韻多所摘奇豈能判然無疑愚故隨筆注釋以備觀鑒又陰勁菴自序云是編遵先子凡例刻意纂集書成而失怙痛哉陰氏父子兄弟著書本末具在序中千頃堂書目云時夫奉新人數世同居登寶祐九經科入元不仕詩韻以此最古卷二三四十一十二十三十四十五十六十八每半葉十行行二十九字是初刻其卷一五六七八九十十七十九

二十每半葉十一行行亦廿九字則多新增說文四字蓋以續刻配齊真可稱羣玉合璧矣有文彭之印文壽承印三橋居士文氏震孟諸印彭長洲人徵明子官國子監助教善刻印書畫

新增說文韻府羣玉二十卷

明天順刊本

晚學陰時夫勁絃編輯新吳陰中夫復春編注

前有滕賓姚雲趙孟頫陰竹楚陰復春陰勁絃諸序凡例九條後又增四條後有木記云瑞陽陰君所編韻府羣玉以事繫韻以韻摘事乃韻書而兼類書者也檢閱便益觀者無不稱善本堂今將元本重加校正每字音切之下續增許氏說文以明之間有事未備者以補之韻書之編誠爲盡美矣敬刊梓行嘉興四方學者共之天順壬午孟冬葉氏南山堂謹白按木記之語仍本之元刻僅易年號而已

詩學集成押韻淵海二十卷 元至元刊本



建安後學嚴毅子仁編輯

前有後至元庚辰前進士張復序又凡例四條末有至元庚辰菊節梅軒蔡氏新刊木記惟二十卷祇有上下平聲且無三江一韻前人譏其體例未善有以也有梁溪秦玉齋藏書印

新刻京本排韻增廣事類氏族大全二十八卷

明萬曆刊本

江右饒安後學中洲周尙文校閱盱江庠生築野傅起嚴參閱

書爲元代人所編因所引事蹟止於南宋也以韻排姓以姓綴人以人著傳合一百九十三姓計千八百九十一家採摭既繁頗資攷證前有萬曆二年德興北山徐湯序後有萬曆三十七年己酉歲秋月陳氏積善堂奇泉梓木記

新編姓氏遙華韻九十八卷

揚州阮氏鈔天一閣本

臨川布衣洪景修進可編

前有至大三年程鉅夫序門人晏性仁序及景修自序有總目

分甲集十一卷上平東至魚乙集十卷上平虞至灰丙集十一卷上平真至刪丁集十一卷下平先至麻戊集十一卷下平陽至蒸己集八卷下平尤至咸庚集十卷上聲董至篠辛集五卷上聲皓至賺又辛集十卷去聲送至遇壬集八卷去聲霽至陷癸集八卷入聲屋至洽又癸集九卷複姓丙乙集卷五至丙集卷十一闕有揚州阮氏文選樓器莊藏書印東璧圖書揚州阮氏錄天一閣祕本諸印

純正蒙求三卷

明刊本

曹棟亭藏書

新安胡炳文撰

雲峯先生以李瀚蒙求多以對偶求工不盡有關法戒因別爲是書上卷敘設教明倫中卷敘立身行己下卷敘接人待物每卷一百二十句併自爲之注前有廬山文天佑同邑吳履齋嘉靖辛卯後學蘇滋等序後跋闕名有棟亭曹氏藏書及長白敷

藏書志卷二十一

十四

槎氏堇齋昌齡圖書印

聯新事備詩學大成三十卷

元刊本

後學三山林楨編集

原書爲宋毛直方撰林楨之所增集故目錄子目間有新增入者前有至正己丑首夏奉訓大夫建甯路甌甯縣尹兼勸農事朱文憲序云三山林君以正銳於詩者也嘗擇取古今名公佳句比附於後比之舊編於事類則去其泛而益其切者於詩語則去其未善而增入其善者名之曰詩學大成書市劉君衡甫錄諸梓每半葉十三行行二十餘字儀願堂題跋謂直方字靜可福建建安縣人咸淳中鄉薦入元不仕著有詩宗羣玉府三十卷聊復齋稿二十卷冶靈稿四卷

新刊增補古今名家詩學大成二十四卷

明刊本

濟南李攀龍于鱗編輯武進唐順之應德校正

前有序云李丁鱗者詩家宗匠也因闍人楊月軒舊編更加攷訂勒成一書始於三才終於萬物經以人情緯以事類分別部居用訓初學因劉君秋亭之請而爲之序其書卽仿元林植詩學大成之例而增損之疑麻沙坊肆所爲也有彥星甫及河間開國家在少微萬松深處等印

新編排韻增廣事類氏族大全十卷補一卷

東瀛翻麻沙本

是編以十千分集依韻綴姓癸集爲覆姓末一卷明太倉張溥所增有崇禎壬申管正傳序曰此誌創於大唐修於當代收天下譜牒列爲上下九等合一百九十三姓計一千八百九十一家首以沈約排韻爲綱次皆各姓事實於下且所載者皆嘉言懿行道德文章忠烈孝慈仙真古跡有關於風教者錄以垂訓因闍倭梗化坊刻無存書林陳氏搜葺重梓張君天如重爲修訂云此則東瀛翻刻者也

廣志一百十卷

明鈔本

馮登府跋曰類事之書四部兼收往往遺文舊事託以俱存俾操觚者易於檢尋此分類紀纂所以有裨於學問也舊鈔本廣志一百十卷爲明末時人所輯姓氏已無從攷見卷首署明人道卷五十一至五十九又述五行之變卷七十四至八十一則又載候氣及律呂度量之制體例似不無凌雜每篇首有字解次以要語後各載古今事實原原本本部別條分是固不徒爲詞壇之藻采洵可爲類苑之菁華也已道光庚寅夏四月識於四明學舍按各家書目均無之惟絳雲樓藏有三十六冊益見傳本之稀矣

羣書集事淵海四十七卷

明宏治刊本

右書分十門子目五百七十有二集諸事蹟自春秋及戰國迄於元代凡數千條條下各注所出前有宏治乙丑吏部尙書華

蓋殿大學士洛陽劉健序云內官監左少監賈公性近得書四十七卷若類聚合璧之比題曰羣書集事淵海而不著纂述事名類以門分事因類著自往古君臣而下外至夷狄凡其行事之善惡載之益詳且備公愛而重之因校正舛譌重新諸梓同時武英殿大學士會稽謝遷亦有序云纂是書者畢力而晦其跡豈亦不欲以博自名者歟計是書流落人間殆將百餘年矣其不至泯滅者幾希賈公雅好文事日以傳達帝命至內閣攜以相示懇爲識後姑書以塞責明高儒百川書志載其目天祿琳瑯謂此書刻自明季中官資饒而工審宜其樞印獨精

博蒐錄一卷 舊鈔本

明桑喬著此書未見著錄家其書自天地人事官制及文字音義下至草木鳥獸蟲魚無不輯載可資學者記誦之助喬字子木江都人嘉靖壬辰進士其著書在朱謀瑋之前其體例頗似

謀璋之駢雅

同姓名錄十二卷錄補一卷

明萬曆刊本

古鄞余寅僧杲著四明周應賓補

寅初字君房晚改僧杲鄞縣人萬曆庚辰進士官至太常寺少卿應賓亦鄞縣人萬曆癸未進士官至禮部尚書是錄起自洪荒下至元季探之經史以及裨官先成四卷翰林侍讀豫章劉一燝序之同邑王佐翼卿校之應賓以其未備搜補一卷自爲識語寅又自續八卷接拾無遺洵足上追梁元帝之遺編下啟王廷燦之再續矣

奇姓通十四卷

明萬曆刊本

汪季青藏書

江陰夏樹芳茂卿輯華亭陳繼儒仲醇校

樹芳萬曆乙酉舉人自號冰蓮道人嘗著棲真志四卷是編以楊慎所輯希姓紀錄爲未備更上自黃虞下迄明代姓氏之不

經見者分韻編次複姓則另列於後自序之外有陳翼飛李維楨兩序有休甯汪季青家藏書籍印

說略三十卷

明刊本

江甯顧起元太初輯

起元萬曆戊戌進士官至吏部左侍郎兼翰林侍讀學士諱文莊此書前有萬曆癸丑自序曰有掌錄無古學離爲二十卷名曰說略自京歸舟敗於南陽之決河此書亡矣舊稿尙存張君處會又物故旣而其家檢以歸予頗有珠還之喜因釐正而附益之僅叢爲三十卷爲象緯爲方輿上下爲時序爲人紀爲官儀爲史別上中下爲禮叢爲律支爲典述上中下爲字學爲書畫爲李法爲冥契上下爲居室爲服飾爲工攷上下爲諸志爲食憲爲珍格爲卉牋上下爲蟲注上下具錄後有記云崇禎十二年秋黃羽山人見貽子孫保之世燁



別號錄前編一卷明人別號錄八卷精鈔本

崑山葛萬里輯

萬里字夢航自序云別號盛於南宋濫於明見者莫識爲誰某  
余所覩記用韻類之頗易檢括自漸固陋考索未周然歷代文  
章節義功名道德之人大半入焉陳之几案可當指掌之圖攜  
之行笈應施負版之敬例凡四條前編宋金元三朝凡一千八  
百人有明一朝凡一千二百人略注仕籍於下殆仿宋涑祐問  
錢塘徐光浦自號錄之例而爲之也

紅豆莊雜錄一卷舊精鈔本 怡府明善堂藏書

虞山蒙叟纂

分天文時令地理人倫人事花木器用禽獸蟲魚各子目各摘  
典故詩句注明出處洵海錄碎金之亞鈔錄精工閱之罽目有  
明善堂安樂堂藏書各印

金屑錄不分卷

舊鈔本

楊芸士藏書

吳穎芳輯

首天象次時令帝王皇居儀制君臣仕途兵事史局地理山水  
父子昆弟夫婦仙佛下至花木禽魚凡六七十門各摘新奇典  
句著之於編命曰金屑如披沙而檢得也穎芳字西林仁和布  
衣居艮山門外一號臨江鄉人有詩稿行世此則流傳絕少也  
爲海昌楊文蓀所藏有圖記

鑒古錄十六卷

舊鈔本

翰林院編修臣沈廷芳哀輯

是書採輯前代君臣事蹟有關政治之興替撮其大要以備法  
戒做教授葉采進近思錄集解舊例仍依翰對劄子體附論於  
後乾隆五年十二月初三日奏進奉 旨留覽賜緞二匹卷首  
有進書表文目錄一帝德敬天二尊祖聖孝三治體尊儒四文

學武功五儉德納諫六任賢育才七內治訓儲八重農慎罰是  
爲君道九忠純匡濟十節義廉潔十一智謀猷爲十二恭慎侃  
直十三寬恕剛直十四薦賢嫉惡十五循良嚴明十六將略明  
刑是爲臣道椒園先生在翰苑時采輯進呈者也重以鄉先  
輩著述用登於目

右類書類